



Oleh Badrul Hizar Ab Jaber
bhzab@hust.com.my

KETIKA ditemui, lelaki ini rancak bercerita, memuji-muji betapa cantik ayam serama. Melihat matanya saja, sudah cukup mengiyakan betapa dininya menggilai unggas mahal itu.

Pada mata bukan peminat, ayam serama tentu dianggap ayam mahal—tidak lebih daripada itu. Namun, bagi peminatnya, mereka sanggup berhabis puluhan ribu ringgit bagi mendapatkan seekor ayam serama cantik yang menjadi pertaruhan di meja pertandingan.

Salah seorang pencinta ayam serama, Mohd Zaid Mohd Saleh, 57, atau lebih dikenali dengan panggilan Pok Id, bkan nama aslinya lagi dalam pertandingan ayam serama di Malaysia. Menyertai lebih puluhan pertandingan ayam serama sejak 1990, terbukti Mohd Zaid memiliki komitmen tinggi dalam permainan ayam serama. Pok Id yang dikenali ketika menyertai Pertandingan Seni Warisan Ayam Serama 1 Malaysia (SWAS2012) di Taman Serama Sedunia, Mukim Durian Tunggal, Melaka baru-baru ini, berkata keistimewaan dan kecantikan ayam itu menyebarkan ada orang yang sanggup menghabiskan wang beribu-ribu ringgit untuk membeli dan memelihara ayam serama.

Pok Id yang berasal dari Dungun, Terengganu, berkata, ayam serama yang juga dikenali sebagai kati digemari peminat kerana kecantikannya dengan pelbagai warna bulu memikat.

Tidak hairanlah dengan pelbagai keistimewaan itu, harga ayam serama menjadi sangat mahal.

Bagi seekor ayam serama betina, harganya boleh mencapai sehingga RM15,000, terutama jika ayam berkenaan mampu menghasilkan baka

UNGGAS MAHAL

Ayam serama betina jadi rebutan, harga mencecah RM15,000 seekor, RM100 semangkuk sup di China

BERITA MINGGU



yang baik," katanya. SWAS2012 dianjurkan Persatuan Ayam Serama Sedunia Malaysia (PASSM) dan disertai kira-kira 300 peserta dari seluruh negara seperti Kelantan, Terengganu, Kedah, Johor, Kuala Lumpur, Selangor, Negeri Sembilan, Melaka termasuk peserta Singapura dan Indonesia.

Pertandingan itu diarahkan Timbalan Menteri Kemajuan Luar Bandar dan Wilayah, Datuk Hasan Malek. Turut

hadir pada majlis peremian ialah Penasihat PASSM, Tengku Mohamad Idris Sultan Yahya Petra dan Presiden PASSM, Ahmad Fauzi Mohamed.

Bagi Pok Id yang memiliki seekor ayam serama A dipanggil Raja Sany berusia 11 bulan dan jenis tanpa lawi yang pernah menjualai pelbagai pertandingan, ayam serama adalah spesies unggas istimewa.

"Istilah 'tengok ayam' sudah serasi dengan saya. Menilai ayam bermula dari balung hingga ke kakinya, selain aktif atau tidak ketika pertandingan berlangsung.

"Memastikan ia kekal sihat, ayam perlu juga diberi makan majukan dan minyak ikan. Ayam cantik bila dimandikan dan kita pula selalu mengurutnya," katanya yang kini memiliki lebih 60 haiwan itu di rumah.

Pok Id yang pernah menjual ayam serama pelhaarannya kepada seorang peminat dari Indonesia pada harga RM17,000 berkata, selepas dimandikan dan menjemur ayam serama, secara tidak langsung dapat memasti-

kan ia bebas daripada hama. "Setiap serama diletakkan dalam sangkar mengelak daripada digigit nyamuk. Satu sangkar menempatkan jantan dan betina. Saya berpendapat, haiwan sihat dan cerias memerlukan pasangan, sama juga seperti manusia," katanya yang sudah banyak menjual ayam itu antara harga RM5,000 hingga RM6,000 seekor ayam serama.

Sementara itu, Hasan berkata, ayam serama Malaysia mendapat permintaan tinggi di pasaran luar negara seperti Amerika Syarikat (AS), Kanada, England, Belgium, Korea Selatan, Filipina dan Asia Barat.

"Di China sebagai contoh, permintaan terhadap ayam serama dari Malaysia amat tinggi kerana ia menjadi hidangan sup yang harapnya mencegah sehingga RM100 semangkuk.

"Melihat kepada permintaan yang tinggi, kementerian berpendapat sudah tiba masanya masyarakat luar bandar mengusahakan ternakan ayam serama untuk komersial dan bukan lagi sebagai hobi," katanya.



Dari kanan: Hasan bersama Mohd Zaid dan Tengku Mohamad tertarik melihat ayam serama pada pertandingan seni Warisan Ayam Serama 1 Malaysia.



Juri mengahkimi pertandingan seni Warisan Ayam Serama 1 Malaysia di Taman Serama Sedunia, Mukim Durian Tunggal, Alor Gajah, Melaka.

“
Ayam cantik bila dimandikan dan kita pula selalu mengurutnya”

Pok Id